

15.03.2020 (11)



Krizni štab Ministarstva zdravstva, rada i socijalne politike Unsko-sanskog kantona

Krizni štab Ministarstva zdravstva, rada i socijalne politike Unsko-sanskog kantona, u cilju daljnjeg praćenja situacije i poduzimanja mjera radi sprječavanja i ranog otkrivanja eventualnog slučaja bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, analizirajući situaciju na području Unsko-sanskog kantona, uzimajući posebno u obzir povećan broj migranata na području USK, u skladu sa zaključcima Operativne grupe za koordiniranje aktivnosti i nadzora nad migrantskom krizom na području USK, u skladu sa odredbama Pravilnika o organizaciji i načinu rada Kriznog štaba Federalnog ministarstva ("Službene novine Federacije BiH", broj 10/12), donio je sljedeću

N A R E D B U

1. Traži se od Kriznog štaba Federalnog ministarstva zdravstva, da hitno održi sjednicu na kojoj će analizirati sveukupnu situaciju na području Unsko-sanskog kantona, uzimajući u obzir veliki broj građana koji rade u zamljama Evropske unije, položaj Unsko-sanskog kantona kao prvog kantona na ulazu u državu Bosnu i Hercegovinu - sa više međunarodnih i graničnih prijelaza, veliki broj migrantske populacije, nedovoljnu opremljenost zaštitnim sredstvima i uređajima Kantonalne bolnice i Domova zdravlja (respiratorima, pokretnim RTG i dr.) o čemu smo Krizni štab već obavijestili i tražili konkretnu pomoć koja još nije došla.
2. Traži se od Kriznog štaba Federalnog ministarstva zdravstva, da na hitno održanoj sjednici, naloži federalnom nivou vlasti, da pruži finansijsku i drugu podršku institucijama Unsko-sanskog kantona, u provedbi mjera sprječavanja i ranog otkrivanja evnt. slučajeva bolesti izazvane novim koronavirusom među lokalnim stanovništvom i migrantskom populacijom.
3. Nalaže se potpuno ograničenje kretanja migranata van privremenih centara u kojima borave na području Unsko-sanskog kantona. ROK: Odmah.
4. Nalaže se hitno izmiještanje migranata koji se nalaze van privremenih centara (na ulici, u napuštenim objektima i dr.mjestima), kojih prema slobodnoj procjeni ima oko 2000. Za provođenje ove mjere zadužuju se gradonačelnici gradova i načelnici općina Unsko-sanskog kantona, kao i sve nadležne institucije. ROK: Odmah
5. Zabranjuje se prevoz migranata svim prevoznim sredstvima (kalgo voz, autobus, kombi, taksi i dr.) prema Unsko- sansom kantonu, kao i prevoz na području Unsko-sanskog kantona. Osim prevoznim sredstvima, zabranjuje se ulazak migranata koji idu pješice, na područje Unsko-sanskog kantona. ROK: Odmah.

6. Zabranjuje se smještaj migranata u privatne smještajne jedinice, tj. individualne stambene objekte (stanovi i kuće), ukoliko nemaju uredan boravak i uredna lična dokumenta.
ROK: Odmah.
7. Traži se od Premijera Kantona, da u skladu sa odgovarajućim tačkama ove Naredbe, što prije naloži hitno postupanje, organima uprave i drugim institucijama Unsko-sanskog kantona.
8. Sve zabrane i ograničenja vezana za migrante, iz ove Naredbe, primjenjivat će se do daljnjeg.
9. Ova naredba stupa na snagu danom donošenja.

Broj: 09-33- 3099-2 /20
Bihać, 13.03.2020.godine



Predsjednica Kriznog štaba MZRSP USK
Ministrica
dr. sci. prim. Nermina Čemalović, s.r.